

in Apoc. Addo Martyrologium Romanum, quod ad d. VI. Maii affirmat, Ioannem ab Epheso Domitiani iussu uinctum • Romam perductum, et, Senatu iudicante, ante portam Latinam in olei feruentis dolium missum. At illam in feruens oleum immissionem, quam temere in dubium uocat Spanhemius, mox excepit relegatio. Quod nos docet Tertullianus, de Praescript. Haeret. cap. XXXVI. cuius haec sunt uerba. *Si talia adiacēs, habes Romam, unde nobis quoque auctoritas praesto est. Ita quam felix Ecclesia, cui totam doctrinam Apostoli cum sanguine suo profuderunt: ubi Petrus passioni Domiticae adaequatur. Vbi Paulus Ioannis exitu coronatur: Vbi Apostolus Ioannes postea quam in oleum igneum demersus nihil passus est, in insulam relegatur.* Non possum ergo satis demirari, Hentenium, posthabitis tot ueterum testimoniis, hanc in insulam relegationem Neroni uindicare potuisse. In quem non immerito insurgit Stephanus Le Moyne, in Not. ad Var. Sacr. p. 1019. seqq. etsi Versionem Syriacam ab errore liberare uelit impacto. Putat enim Syriacam Versionem per Neronem intellexisse Domitianum, qui *alter Nero* appellatus est. Quae ne frustra affirmasse uideatur, affert quaedam testimonia Iuuenalis, Aufonii, Tertulliani, ex quibus patet, Domitianum Neronis uenisse nomine, quibus addit Auctorem Arabem uitaē Ioannis, cui ille, a quo liberatus est Ioannes, nominatur *فيبرون الكهفجر Nero paruus*, in quo tamen hallucinatum illum esse contendit, siquidem Ioannes sub Nerua demum in libertatem sit restitutus. Ingeniosa est, fateor, haec sententia, sed uereor, ita solida sit, ut non aliquam patiatur dubitationem. Etenim in istiusmodi inscriptionibus uocum quam maxime amare proprietatem solemus, si quando circumstantias attingimus historicas, quae nudam faciem, uultumque postulant. Testimonia, quae afferuntur, nondum euincunt, Domitianum, absque temperamento, nominatum esse Neronem. Vtrique enim et Iuuenali, et Aufonio, *Nero* nominatur *Caluus*. Tertulliani uero lectio, qua *portio Neronis* dicitur, minime erat fugillanda, quam Eusebius, scriptor